

Inhibens quominus quoscumque molestentur.

re predictis etiam perpetuo concedimus, & indulgemus.

§.8. Decernentes Syndicos, Gubernatores, & Administratores predictos, & ab eis ad receptionem elemosynarum hujusmodi deputatas personas per locorum Ordinarios, seu eorum Vicarios in spiritualibus generales, aut officiales, nec non Fabrica Basilicæ Principis Apostolorum de Urbe, & Cruciatæ sanctæ, ac Ordinis Beatæ Mariæ Redemptionis Captivorum deputatos, vel quoscumque alios quavis auctoritate fungentes molestari, perturbari, vel inquietari non posse.

Clausula.

§.9. Sicque per quoscumque Judices Ordinarios, & delegatos, aut Commissarios, & causarum Palatii Apostolici Auditores, ac Sanctæ Romanæ Ecclesiæ Cardinales, etiam de latere Legatos, sublata eis, & eorum cuilibet quavis aliter iudicandi, & interpretandi facultate, & auctoritate, ubique iudicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Executores designati.

§.10. Quocirca Venerabilibus Fratribus nostris Archiepiscopis Remen., & Rothomagen., ac Episcopo Parisien. committimus, & mandamus, quatenus ipsi, vel duo, aut unus eorum per se, vel alium, seu alios presentes literas, & in eis contenta quacumque ubi, & quando opus fuerit, ac quoties pro parte Henrici Regis, necnon pro tempore existentium Syndicorum, Gubernatorum, & Administratorum predictorum, vel alicujus eorum fuerit requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra presentes literas, & in eis contenta hujusmodi ab omnibus, ad quos spectat, & pro tempore spectabit, inviolabiliter observari, ac Syndicos, Gubernatores, & Administratores predictos, omnesque alios, quos presentes ipsæ concernunt, & concernent in futurum, illis pacifice frui, & gaudere, non permittentes ipsos, vel eorum quempiam per quoscumque desuper contra earumdem presentium tenorem quomodo libet indebitè molestari; Contradictores quoslibet, & rebelles per sententias, censuras, & poenas Ecclesiasticas, aliaque opportuna juris, & facti remedia appellatione postposita compescendo, necnon legitimis super his habendis servatis processibus, sententias, censuras, & poenas ipsas, etiam iteratis vicibus, aggravando, invocato etiam ad hoc, si opus fuerit, auxilio brachii secularis.

Derogatio contrariorum.

§.11. Non obstantibus præmissis, & Sanctæ memoriæ Bonifacii Papæ VIII. itidem Prædecessoris nostri, qua cavetur, ne quis præter suam Civitatem, vel Diocesim, nisi in certis expressis casibus, & in illis ultra unam diem a fine suæ Diocesis ad iudicium evocetur. Seu ne Judices a Sede prædicta deputati extra Civitatem, vel Diocesim, in quibus deputati fuerint, contra quoscumque procedere, aut alii, vel aliis vices suas committere audeant, vel præfu-

mant, ac in Concilio Generali edita de duabus dietis, dummodo ultra tres dietas aliquis auctoritate presentium ad iudicium non trahatur, aliisque Apostolicis, necnon in Sinodalibus, Provincialibus, & universalibus Conciliis editis, specialibus, vel generalibus Constitutionibus, & Ordinationibus, ceterisque contrariis quibuscumque.

Modus in quo situationibus servandus.

§.12. Volumus autem, ac per easdem presentes decernimus, quod personæ ad collectionem elemosynarum hujusmodi pro tempore deputatæ, eo majus sine dolo, & modestè fungantur, Quæstorum nomen non gerant, nullas indulgentias divulgent, nec per se, vel alium prædicent, privilegia sua non ostentent, Reliquias, cartas, Imagines, aliave similia ad Christianos excitandos, aut ulla instrumenta, vel quorumcumque Quæstorum insignia non circumferant, minas, & imprecationes ad extorquendas pecunias, aut alia bona non intendant, nihil quasi debitum, & consuetum petant, nulla arte utantur, sed simpliciter pie, & modestè pro subventionem dicti Hospitalis petendo, id quod sponte offertur, tantum accipiant, nullamque super dictis elemosynis quovis nomine conventionem etiam in dicti Hospitalis utilitatem faciant; Ordinarii autem locorum pro præmissorum præcisa observatione, non solum ex aliorum delatione, sed ex suo etiam officio inquirent, si qua fraus ab ipsis Collectoribus præsertim adversus leges, eis præscriptas committatur, quos si Reos vere reppererint, pro modo culpæ arbitrio suo puniant, eosdemque statim a collectione elemosynarum hujusmodi amoveant, ac alios, qui boni, & idonei sint, ab eisdem Superioribus curent sufficiens.

Transumptis danda fides.

§.13. Quodque earumdem presentium transumptis etiam impressis, manu Notarii publici subscriptis, & alicujus personæ in dignitate Ecclesiastica constitutæ sigillo munitis, ea prorsus ubique in iudicio, & extra fides adhibeatur, quæ ipsis originalibus adhiberetur, si forent exhibitæ, vel ostensæ.

Clausula.

§.14. Nulli ergo omnino hominum liceat, hanc paginam nostræ absolutionis, approbationis, confirmationis, adjectionis, voluntatis, & Decretorum infringere, vel ei ausu temerario contraire; Si quis autem hoc attentare præsumserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 7. Maii 1599. An. VIII.

Datum Romæ apud Sanctum Marcum Anno Incarnationis Dominicæ millesimo quingentesimo nonagesimo nono, Nonis Maji, Pont. nostri Anno VIII.

Con-

CCCLXXV.

LEO UNDECIMUS

PAPA CCXXXIV.

A. N. CH. MDCV.

Decretum Congregationis S. Officii, quo cavetur, quominus aliquis Litanis, vel Sanctorum, vel B. M. V. utatur, quæ a Congregatione Sacrorum Rituum non fuerint approbatæ.

De hac Congregatione habes Constitut. 117. Sixti V. Immenſa Tom. IV. Par. IV. fol. 392. Congr. V.

Nonnulli Litanias proprio mane vulgaverant.

Sanctissimus Dominus Noster Clemens Papa VIII. Quoniam multi hoc tempore privati etiam homines, prætextu alende devotionis, novas quotidie Litanias evulgant, ut jam prope innumerabiles formæ Litaniarum circumferantur, & in nonnullis ineptæ sententiæ, in aliis (quod gravius est) periculose, & errorem sapientes inveniantur, pro sollicitudine sua pastoralis providere volens, ut animarum devotio, Deique, ac Sanctorum invocatio, sine ullius detrimenti spiritualis periculo foveatur;

Clemens scilicet Congregationi Rituum examinandas tradi. mandat.

§.1. Præcipit, & mandat, ut retentis antiquissimis, & communibus Litanis, quæ in Breviariis, Missalibus, Pontificalibus, ac Ritualibus continentur, necnon Litanis de Beata Virgine, quæ in Sacra Eccl. Lauretana decantari solent; quicumque alias Litanias edere, vel jam editis in Ecclesiis, five Oratoriis, five Processionibus, uti voluerint, eas ad Congregationem Sacrorum Rituum recognoscendas, & si opus fuerit, corrigendas mittere teneantur, neque sine licentia, & approbatione prædictæ Congregationis, eas in publicum edere, aut publice recitare præsumant, sub poenis (ultra peccatum) arbitrio Ordinarii, & Inquisitoris severe infligendis.

§.2. Præfens Decretum factum fuit in Generali Congregatione Sanctæ Romanæ, & universalis Inquisitionis, habita in Palatio Apostolico in Monte Quirinali, coram prædicto Sanctissimo Domino Nostro, ac Illustrissimis, & Reverendissimis Dominis Sanctæ Romanæ Ecclesiæ Cardinalibus, adversus hæreticam pravitatem generalibus Inquisitoribus, octavo Idus Septembris, Anno a Nativitate Domini Nostri Iesu Christi 1601.

Dat. die 6. Septemb. 1601.



Alexander Medicus electus est in Romanum Pontificem Kalendis Aprilis anno 1605, & Leonis XI. nomen assumpsit. V. autem Kalendas Majas defunctus, septimo supra vicissimum Pontificatus sui die, imperante Rodulpho II. sepultus est ad Sanctum Petrum. Vacavit Sedes dies xviii.

I.

Declarat per Secularizationem Ecclesiæ S. Vincentii de Cardona Ordinis Canonicorum S. Augustini Urgellen. Diocesis nullum præjudicium illatum fuisse Abbati, quoad jurisdictionem civilem, & criminalem super Canonicos ejusdem Ecclesiæ, & Collegiæ S. Jacobi de Calaff Vicen. Diocesis.

Ex Regest. in Secret. Brev.

LEO PAPA UNDECIMUS

Ad perpetuam rei memoriam.

EX injuncto Nobis Apostolici muneris debito jus suum unicuique conservare tenemur, & ad hunc effectum dubia quacumque, quæ ex concessionibus, & gratis a Romanis Pontificibus Prædecessoribus nostris emanatis oriri possunt, ne inde lites postea inter Ecclesiasticas præsertim personas oriantur, oportuno na-

Exordium.

R de-

declaratione e medio tollere curamus, prout in Domino salubriter conspicimus expedire.

Clem. VIII  
secularitatem  
Ecclesie S.  
Vincentii de  
Cardona in  
Collegiatam  
exercit.

§.1. Cum itaque alias sel. rec. Clemens Papa VIII. Prædecessor noster claræ memoriæ Philippi II. Hispaniarum Regis Catholici supplicationibus adductus, Monasteria, Dignitates, & Beneficia Ordinis Canonico-regularium Sancti Augustini in Principatu Cathalonie, & Comitatu Rossilionis, & Ceritanie existentia ex causis tunc expressis, Ordine prædicto in illis perpetuo suppresso, & extincto, ad secularitatem in omnibus, & per omnia, & quoad omnia perpetuo reducerit, & deinde aliqua ex eisdem Monasteriis, & præsertim Ecclesiam olim Monasterium Sancti Vincentii Oppidi de Cardona Urgellen. Diocesis in Collegiatas insignes erexit, prout in diversis ejusdem Clementis literis desuper expeditis plenius continetur.

Abbas Sancti  
Vincentii an-  
tea Jurisdic-  
tionem civilem,  
& criminalem  
exercere su-  
per Canoni-  
cos hujus Ec-  
clesie, & San-  
cti Jacobi de  
Calass.

§.2. Cumque, sicut accepimus, Abbas ejusdem Collegiatæ Ecclesie ab immemorabili tempore citra habuerit, & exercuerit Jurisdictionem civilem, & criminalem, etiam in criminibus extra Regulam tam in Canonicos ejusdem Ecclesie, quam etiam in Priorem, & Canonicos secularis, & Collegiatæ, olim etiam regularis dicti Ordinis, Ecclesie Sancti Jacobi Oppidi de Calass Vicen. Diocesis, quæ membrum, & dependens ab ipsa Ecclesia Collegiatæ Sancti Vincentii de Cardona existit, ac prædicti Prior, & Canonici Ecclesie Sancti Jacobi de Calass prædicto Abbati Sancti Vincentii de Cardona canonicam obedientiam præstare soliti sunt, & de hoc post reductionem ad secularitatem earundem Ecclesiarum in possessione dictus Abbas reperiatur.

Episcopi hanc  
jurisdictionem  
ad se devolu-  
tam asserebat.

§.3. Verum quia Venerabiles Fratres Urgellen., & Vicen. Episcopi prætendunt, quod post reductionem ad secularitatem earundem Ecclesiarum, jurisdictione prædicta in easdem Ecclesias, ac Priorem, & Canonicos ad eos respective pertineat: quam tamen nunquam antea habuerunt, sed solum jus visitandi Ecclesias prædictas, quæ etiam Parochiales existunt, habuerunt, dubitandum sit, ne aliqua lites, & differentie super præmissis inter prædictos Episcopos ex una, & Abbatem prædictum ex altera partibus orientur, seu jam forsitan sub-ortæ extiterint.

Leo Ab-  
bati adjudicat

§.4. Nos omnem controversiarum occasionem inter Ecclesiasticas personas prædicere, & jura sua unicuique conservare volentes, ac literarum prædictarum ejusdem Prædecessoris tenorem præsentibus pro expresse habentes, & dilectum filium Franciscum Ferran modernum Abbatem dictæ Ecclesie Sancti Vincentii de Cardona specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & ab-

solutum fore censentes, supplicationibus ejus nomine Nobis super hoc humiliter porrectis inclinati, auctoritate Apostolica, tenore præsentium, declaramus, prout alias sæpe ipsum Clementem Prædecessorem declarasse accepimus, ipsius Clementis Prædecessoris intentionis nunquam fuisse, per reductionem Ecclesiarum, Monasteriorum, Dignitatum, & Beneficiorum Ordinis, & Principatus prædictorum ad secularitatem ab eisdem Ecclesiis, Monasteriis, Dignitatibus, & Beneficiis, Jurisdictiones, prærogativas, præminentias, privilegia, aliaque jura, & concessiones auferre, sed regularitatem tantum in eis supprimere, illaque ad secularitatem hujusmodi reducere, salvis semper in suo robore permanentibus jurisdictionibus, prærogativis, præminentis, privilegiis, & aliis supradictis, & sic etiam ejusdem mentis, & intentionis non fuisse, per reductionem ad secularitatem dictarum Collegiarum Ecclesiarum Sancti Vincentii de Cardona, & Sancti Jacobi de Calass in aliquo præjudicare Jurisdictioni civili, & criminali supradictæ, quam dictus Abbas Ecclesie Sancti Vincentii de Cardona, tam in ejusdem Ecclesie Canonicos, quam in Priorem, & Canonicos Ecclesie Sancti Jacobi de Calass antea, ut præfertur, habebat, sed hujusmodi Jurisdictionem eidem Abbati ut antea salvam, & illam remansisse, & remanere, ac tam prædictum Franciscum modernum, quam pro tempore existentem Abbatem Sancti Vincentii de Cardona super hujusmodi Jurisdictione, & illius libero exercitio per dictos Episcopos Urgellen., & Vicen., aut quoscumque alios, quovis prætextu, causa, & occasione impediri, molestari, perturbari, vel inquietari nullatenus posse.

Clause.

§.5. Præsentemque literas, etiam ex eo quod dicti Episcopi, seu alii quicumque in præmissis jus habere prætendentes ad hoc vocati, & auditi non fuerint, & ex quavis alia causa de subreptionis, vel obreptionis, aut nullitatis vitio, seu intentionis nostræ, aut alio quocumque defectu notari, impugnari, aut infringi, retractari, invalidari, vel ad terminos juris reduci, seu in jus, vel controversiam revocari nullatenus posse, sed illas semper validas, & efficaces existere, & fore, suosque plenarios, & integros effectus sortiri, & obtinere: Sicque, & non aliter per quoscumque Judices ordinarios, & delegatos etiam causarum Palatii Apostolici Auditores judicari, & definiti debere, ac irritum, & inane, quid quid secus super his a quoquam quavis auctoritate, scienter, vel ignoranter contigerit attentari decernimus. Et quatenus aliqua lis super præmissis inter Episcopos, & Abbatem prædictos hætenus orta fuerit, illam ad Nos harum serie avocamus, ac penitus extinguimus, perpetuumque partibus ipsis desuper silentium imponimus.

Executorum  
deputatio.

§.6. Quocirca dilectis filiis causarum Curie Camera Apostolice generali Auditori, ac nostro, & Sedis Apostolice in Regnis Hispaniarum Nuncio, & Abbati Beate Ma-

Maria del Real Elnen. Diocesis nunc, & pro tempore existenti per præsentem committimus, & mandamus, quatenus ipsi, vel alter eorum per se, vel alium, seu alios præsentem literas, & in eis contenta quæcumque, ubi, & quando opus fuerit, & quoties pro parte dicti Francisci Abbatis fuerint requisiti, solemniter publicantes, illique in præmissis efficacis defensionis præsidio assistentes, faciant auctoritate nostra illum præmissorum omnium, & singulorum effectum pacifice frui, & gaudere: Non permittentes illum desuper per dictos Episcopos Urgellen., & Vicen., aut quoscumque alios quomodolibet indebite molestari, & poenas Ecclesiasticas, aliaque opportuna juris, & facti remedia, appellatione postposita compescendo, invocato etiam ad hoc, si opus fuerit, auxilio brachii secularis.

Derogatio  
contrariorum

§.7. Non obstantibus sel. rec. Bonifacii Papæ VIII. Prædecessoris nostri de una, & in Concilio generali edita de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Constitutionibus, & Ordinationibus Apostolicis, cæterisque contrariis quibuscumque.

Dat. die 15.  
Aprilis 1605.  
An.I.

Datum Romæ apud Sanctum Petrum, sub Annulo Piscatoris die 15. Aprilis 1605. Pontificatus nostri Anno I.

I I.

Ex Regest. in  
Secret. Brge.

Declarat per secularizationem Prioratus Beate Marie de Cornella Ordinis Canonico-regularium S. Augustini Elnen. Diocesis nullum præjudicium illatum fuisse Priori ejusdem Ecclesie super collatione Canoniciatum.

LEO PAPA UNDECIMUS

Ad perpetuam rei memoriam.

Proemium.

P Aporalis nostri muneris ratio exposcit, ut ad pacem, & quietem inter Ecclesiasticas personas, præsertim Pontificali, & alia dignitate præditas conservandam, ea, quæ per Apostolicam Sedem statuta, & ordinata fuerunt, ex quorum dubia interpretatione tranquillitatis, & quietis effectus turbari possit, nostræ declarationis Ministerio dilucidemus, prout in Domino salubriter conspicimus expedire.

Post suppressam in Ecclesia de Cornella regularitatem Canonice conferri solebant a Priori.

§.1. Expositum nobis nuper fuit pro parte dilecti filii Hyppolitii Frigola Prioris Collegiatæ Ecclesie Beate Marie de Cornella Elnen. Diocesis, quod ipsa Ecclesia antequam sære: Clemens Papa VIII. Prædecessor noster ad supplicationem claræ memoriæ Philippi Secundi Hispaniarum Regis Catholici Ordinem Canonico-regularium Sancti Augustini in Ecclesiis, & Monasteriis tunc ejusdem Ordinis Principatus Cathalonie, illiusque statum, & essentiam regularem ex eisdem Ecclesiis, & Monasteriis perpetuo suppresserit, & extinxerit, ipsaque Bull. Rom. Tom. V. Par. III.

Ecclesias, & Monasteria; ad statum, & essentiam sæcularem reducerit, prout in ipsius Prædecessoris desuper expeditis literis plenius continetur, Ordinis prædicti existebat, & occurrente vacatione Canoniciatum, & Præbendam, & aliorum Officiorum dictæ Collegiatæ Ecclesie, semper ab immemorabili tempore citra, salvis tamen reservationibus, & affectionibus Apostolicis, a Priore dictæ Collegiatæ Ecclesie pro tempore existente de illis disponi consueverit.

Afferente vero Episcopo ad se in suis mensibus illorum collationem pertinentem, Prior Pontificiam declarationem perit interponi.

§.2. Nunc vero post reductionem ad secularitatem hujusmodi, Ven: Frater Episcopus Elnen. præterdat collationem illorum in Mensibus Ordinarii ad se spectare, & propterea facile venire possit, ut aliqua exinde controversia inter ipsum Episcopum Elnen., & prædictum Priorem suboriatur. Idcirco dictus Hyppolitus modernus Prior Nobis humiliter supplicari fecit, ut super hoc de opportuna declarationis remedio providere de benignitate Apostolica dignaremur.

Leo declarat, Clementis intentionis fuisse nemini præjudicare in iure conferendi Beneficia &c.

§.3. Nos igitur omnem controversiarum occasionem inter Ecclesiasticas personas e medio tollere, ac jus suum unicuique conservare volentes, prædictarum literarum Clementis Prædecessoris tenorem præsentibus pro expresse habentes, ipsamque Hyppolitum a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, auctoritate Apostolica tenore præsentium declaramus, prout etiam alias ipsum Clementem Prædecessorem declarasse accepimus, ipsius Clementis Prædecessoris intentionis nunquam fuisse, per reductionem Ecclesiarum, Monasteriorum, Dignitatum, & Beneficiorum Ordinis, & Principatus prædictorum ad secularitatem, ab eisdem Ecclesiis, Monasteriis, Dignitatibus, & Beneficiis, jurisdictiones, prærogativas, præminentias, privilegia, aliaque jura, & concessiones auferre, sed regularitatem tantum in eis supprimere, illaque ad secularitatem hujusmodi reducere; salvis semper in suo robore permanentibus jurisdictionibus, prærogativis, præminentis, privilegiis, & aliis supradictis: sic etiam mentis, & intentionis Clementis Prædecessoris non fuisse, per reductionem ad secularitatem dictæ Collegiatæ Ecclesie in aliquo præjudicare juri conferendi, quod ante dictam reductionem ad prædictum Priorem legitime spectabat.

Clause.

§.4. Decernentes propterea dictum Hyppolitum modernum, & pro tempore existentem Priorem dictæ Collegiatæ Ecclesie per dictum Episcopum Elnen., seu quocumque alios præmissorum occasione molestari, perturbari, inquietari, vel impediri, præsentemque literas etiam ex eo, quod dictus Episcopus, seu alii quicumque in præmissis jus habere prætendentes ad hoc vocati,

cati, & auditi non fuerint, & ex quavis alia causa de subreptionis, vel obreptionis, aut nullitatis vitio, seu intentionis nostrae, vel alio quocumque defectu notari, impugnari, aut infringi, retractari, invalidari, vel ad terminos juris reduci, seu in jus, vel controversiam revocari nullatenus posse, sed illas semper validas, & efficaces existere, & fore, suosque plenarios, & integros effectus sortiri, & obtinere; sicque, & non aliter per quoscumque Iudices Ordinarios, & delegatos etiam causarum Palatii Apostolici Auditores judicari, & definiti debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari.

Exequutorum designatio.

§.5. Quocirca dilectis filiis causarum Curiae Camerae Apostolicae generali Auditori, ac nostro, & Apostolicae Sedis in Regnis Hispaniarum Nuncio, necnon Abbati Beatae Mariae del Real ejusdem Elnen. Diocesis nunc, & pro tempore existen. per praesentes committimus, & mandamus, quatenus ipsi, vel duo, aut unus eorum per se, vel alium, seu alios praesentes literas, & in eis contenta quaecumque, ubi, & quando opus fuerit, & quoties pro parte dicti Hyppoliti moderni, & pro tempore existentis dictae Collegiatae Ecclesiae Prioris fuerint requisiti, solemniter publicantes, illique in praemissis efficacis defensionis praesidio assistentes, faciant auctoritate nostra illum praemissorum omnium, & singulorum effectum pacifice frui, & gaudere, non permittentes illum desuper per dictum Episcopum Elnen. aut quoscumque alios quomodolibet indebite molestari: Contradictores quoscumque per censuras, & poenas Ecclesiasticas, aliaque opportuna juris, & facti remedia appellacione postposita compescendo, invocato etiam ad hoc, si opus fuerit, auxilio brachii secularis.

Derogatio contrariorum

§. 6. Non obstantibus sel. recor. Bonifacii Papae VIII. praedecessoris Nostri de una, & in Concilio generali edita de duabus dietis, dummodo ultra tres dietas aliquis auctoritate praesentium ad iudicium non trahatur, aliisque Constitutionibus, & Ordinationibus Apostolicis, ceterisque contrariis quibuscumque.

\*Dat. die 16. Aprilis 1605. An. I.

Datum Romae apud S. Petrum sub Anulo Piscatoris die 16. Aprilis 1605. Pont. Nostri Anno Primo.

III.

Ex Regest. in Secret. Brev.

Similis Declaratio super jurisdictione civili, & Criminali eidem Priori Collegiatae Ecclesiae B. Mariae de Cornella in Canonicos praedictae Ecclesiae competente.

LEO PAPA UNDECIMUS

Ad perpetuam rei memoriam.

Exordium.

EX injuncto Nobis Apostolici muneris debito jus suum unicuique conservare tenemur, & ad hunc effectum dubia qua-

cumque, quae ex concessionibus, & gratis a Sede Apostolica emanatis oriri possunt, ne inde lites postea inter Ecclesiasticas praesertim personas orientur, opportuna declaratione e medio tollere curamus, prout in Domino salubriter conspiciamus expedire.

Secularizationem Ecclesiae de Cornella a Clement. VIII. faciam recitari.

§.1. Cum itaque alias sae. re: Clemens Papa VIII. Praedecessor noster clar. me: Philippi Secundi Hispaniarum Regis Catholici supplicationibus adductus Monasteria, Dignitates, & Beneficia Ordinis Canonico-regularium S. Augustini in Principatu Cathaloniae, & Comitatu Rossilionis, & Ceritaniae existentia ex causis tunc expressis, Ordine praedicto in illis perpetuo suppresso, & extincto, ad secularitatem in omnibus, & per omnia, & quoad omnia perpetuo reducerit, & deinde aliqua ex eisdem Monasteriis in Collegiatis insignes erexerit, prout in diversis ipsius Praedecessoris literis desuper expeditis plenius continetur.

Priorem vero in possessione fuisse jurisdictionem civilem, & criminalem super Canonicos exercendi.

§.2. Cumque, sicut accepimus, Prior Collegiatae Ecclesiae Beatae Mariae de Cornella Elnen. Diocesis, ab immemorabili tempore citra haberit, & exercuerit jurisdictionem Civilem, & Criminalem etiam in Criminibus extra regulam in Canonicis ejusdem Ecclesiae, qui praedicto Priori Canonicam obedientiam praestare soliti sint, & de hoc post reductionem ad secularitatem ejusdem Ecclesiae in possessione dictus Prior reperitur.

Episcopum vero Elnensium illam sibi vindicare.

§.3. Verum quia Ven. Frater Episcopus Elnen. praetendit, quod post reductionem ad secularitatem dictae Ecclesiae, jurisdictione supra dicta in eandem Ecclesiam, ejusque Canonicos ad ipsum pertineat, quam tamen nunquam antea habuit, sed solum jus visitandi Ecclesiam praedictam, quae etiam Parochialis existit, habuit, dubitandum sit, ne aliqua lites, & differentiae super praemissis inter dictum Episcopum ex una, & Priorem praedictum ex altera partibus orientur, seu jam forsitan suborta extiterint.

Declaratio de qua in Rubrica.

§.4. Nos omnem controversiarum occasionem inter Ecclesiasticas personas praedecedere, & jura sua unicuique conservare volentes, ac literarum suarum praedictarum tenorem praesentibus pro expresso habentes, & dilectum filium Hyppolitum Frigolam modernum dictae Ecclesiae de Cornella Priorem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet inmodatus existit, ad effectum praesentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, auctoritate Apostolica tenore praesentium declaramus, prout alias saepedictum Clementem praedecessorem declarasse accepimus, ejusdem Clementis Praedecessoris intentionis nunquam fuisse, aut esse, per reductionem Ecclesiarum, Monasteriorum, Dignitatum,

tatum, & Beneficiorum Ordinis, & Principatus praedictorum ad secularitatem, ab eisdem Ecclesiis, Monasteriis, Dignitatibus, & Beneficiis, jurisdictiones, praerogativas, praerogantias, privilegia, aliaque jura, & concessionem auferre, sed regularitatem tantum in eis suppressere, illaque ad secularitatem hujusmodi reducere, salvis semper in suo robore permanentibus jurisdictionibus, praerogativis, praerogantias, privilegiis, & aliis supra dictis, & sic etiam dictae mentis, & intentionis non fuisse per reductionem ad secularitatem dictae Ecclesiae Beatae Mariae de Cornella in aliquo praevicari jurisdictioni Civili, & Criminali supra dicta, quam dictus Prior Ecclesiae Beatae Mariae de Cornella in eisdem Ecclesiae Canonicos antea, ut praefertur habebat, sed hujusmodi jurisdictionem eisdem Priori, ut antea, salvam, & illasam remansisse, & remanere, ac tam praedictum Hyppolitum modernum, quam pro tempore existentem Priorem dictae Ecclesiae Beatae Mariae de Cornella super hujusmodi jurisdictione, & illius libero exercitio per dictum Episcopum Elnen., aut quoscumque alios quovis pretextu, causa, & occasione impediri, molestari, perturbari, vel inquietari nullatenus posse.

Clausula.

§.5. Praesentesque literas etiam ex eo, quod dictus Episcopus, aut alii quicumque in praemissis jus habere praetendentes ad hoc vocati, & auditi non fuerint, & ex quavis alia causa de subreptionis, vel obreptionis, aut nullitatis vitio, seu intentionis nostrae, aut alio quocumque defectu notari, impugnari, aut infringi, retractari, invalidari, vel ad terminos juris reduci, seu in jus, vel controversiam revocari nullatenus posse, sed illas semper validas, & efficaces existere, & fore, suosque plenarios, & integros effectus sortiri, & obtinere, sicque, & non aliter per quoscumque Iudices Ordinarios, & delegatos, etiam causarum Palatii Apostolici Auditores, judicari, & definiti debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari decernimus, & quatenus aliqua lites super praemissis inter Episcopum, & Priorem praedictos hactenus orta fuerit, illam ad Nos harum serie avocamus, ac penitus extinguimus, perpetuumque partibus ipsis desuper silentium imponimus.

Exequutorum deputatio.

§.6. Quocirca dilectis filiis causarum Curiae Camerae Apostolicae generali Auditori, ac nostro, & Apostolicae Sedis in Regnis Hispaniarum Nuncio, & Abbati Beatae Mariae del Real ejusdem Diocesis nunc, & pro tempore existen. per praesentes committimus, & mandamus, quatenus ipsi, vel duo, aut unus eorum per se, vel alium, seu alios praesentes literas, & in eis contenta quaecumque, ubi, & quando opus fuerit, & quoties pro parte dicti Hyppoliti Prioris fuerint requisiti, solemniter publicantes, illique in praemissis efficacis defensionis praesidio assistentes, faciant auctoritate nostra, illum praemissorum omnium, & singulo-

rum effectu pacifice frui, & gaudere, non permittentes illum desuper per dictum Episcopum Elnen., aut quoscumque alios quomodolibet indebite molestari: Contradictores quoscumque per censuras, & poenas Ecclesiasticas, aliaque opportuna juris, & facti remedia, appellacione postposita, compescendo, invocato etiam ad hoc, si opus fuerit, auxilio brachii secularis.

Derogatio contrariorum

§.7. Non obstantibus sae. re: Bonifacii Papae VIII. Praedecessoris nostri de una, & in Concilio generali edita de duabus dietis, dummodo ultra tres dietas aliquis auctoritate praesentium ad iudicium non trahatur, aliisque Constitutionibus, & Ordinationibus Apostolicis, ceterisque contrariis quibuscumque.

Dat. die 18. Aprilis 1605. An. I.

Datum Romae apud S. Petrum sub Anulo Piscatoris die 18. Aprilis 1605. Pontificatus nostri Anno I.

IV.

Avocatio, & extinctio Litium pendentium inter Capitula, & Clerum Regnorum Hispaniarum, & Societatem Jesu super solutione Decimarum Parochialibus, aliisque Ecclesiis de jure debitum, cum declaratione, quod PP. d. Societ. loco Decimae vigesimam pro Bonis acquisitis, pro Bonis tamen deinceps emptionis titulo acquirendis, integram Decimam solvere debeant.

Ex Regest. in Secret. Brev.

LEO PAPA UNDECIMUS

Ad perpetuam rei memoriam.

Impositi Nobis Apostolici muneris debitum exposcit, ut in his nostrae auctoritatis partes libenter interponamus, per quae differentias, & controversias inter Ecclesiasticas personas vigentibus, e medio sublatis, earum quieti opportune consulamus.

Procurium.

§.1. Cum itaque alias sae. rec. Paulus Papa III. Praedecessor noster Societati Jesu ab ipso instituta, & approbata, ejusque Societatis inter alia concesserit, ut de eis, quae in ornamentis, aut pro eis, aut Libris, Fabrica, Luminaribus, seu pro victu, & indumentis eorum, necnon pro annuis Censibus reddendis, ad quorum solutionem aliqua Domus Societatis praedictae obligatae forsitan existebant, ac de Domibus, & Collegiis, & eorum Praediis, Hortis, aliisque locis eisdem Sociis haberi concessis, aut de his, quae sibi pro hujusmodi rebus, Domibus, Collegiis, Locis, & Hortis emendis, per quascumque personas pro tempore legari, aut relinquere contigisset, & aliis bonis quibuscumque per dictam Societatem, & ipsius Collegia possessis, & obtentis, aliquam decimam etiam Papalem solvere, seu Canonicam portionem exhibere, seu ad praestationem procuracionum Legatorum praedictae Sedis, vel Nunciorum ipsius, aut Ordinariorum Locorum, & exactorem Collectarum, seu subsidiariorum, vel provisionum, quorumcumque minime tenerentur, nec ad

Paulus III. Soc. Jesu a quocumque oneris solutio ne liberans de clara vit., ab ea Decimas non esse solvendas, nisi in literis impositionis hujusmodi expressa de ipsa Societate mentio fieret.

ad id per Literas ejusdem Sedis, aut Legatorum, vel Nunciorum, seu Dicecesanorum praedictorum, cujuscumque tenoris forent, nullo unquam tempore compelli possent, nisi ipsa litera Apostolica plenam, & expressam, ac de verbo ad verbum de indulto, & concessione hujusmodi, ac de eorum Ordine mentionem fecissent, & si forte per ipsum Paulum Praedecessorem, vel dictam Sedem de piis Legatis dispositis, & relictis in genere, vel in specie, Decima, vel alia portio, seu Quarta alteri pia, vel non pia causa quomodolibet eatenus concessa fuissent, vel illam imposterum concedi, seu solvi, aut dari, mandari contigisset, Socios dictae Societatis, ac illorum Domos, & Bona quaecumque, & eis legata, & relicta, aut alias in eorum favorem disposita in concessionibus, & mandatis hujusmodi minime comprehendere decreverit, & voluerit, nisi de ipsis, ac praedicto Decreto, & voluntate, non per clausulas generales idem importantes, sed vera, & expressa, atque specifica mentio fieret in eisdem, & alias prout in literis Apostolicis ejusdem Pauli Praedecessoris sub Datum Anno Incarnationis Dominicae 1549., decimo quinto Kalend. Novembris Pontificatus sui Anno Decimoquinto expeditis.

Pius IV. in hujusmodi exemptione Domo etiam Probationis, & Collegia comprehendit, declaravit.

§.2. Cumque deinde re. mem. Pio Papa IV. pro parte Praepositi Generalis, & universae Societatis praedictae exposito, quod quamvis dictus Paulus Praedecessor eandem Societatem, ejusque personas a Decimarum, & aliarum quarumcumque impositionum solutione exemptisset, quia tamen id difertis verbis non videbatur explicatum, nec non in exemptione illis concessa hujusmodi de Domibus probationis, & Collegiis ejusdem Societatis, non tamen Professorum, Domibus, quae juxta regularia illius instituta bona stabilia habent, aut habere possunt, specialis mentio facta fuerat, molestiam ipsis inferri, ac Domo probationis, & Collegia ipsius Societatis super exemptione hujusmodi perturbari posse, tempore procedente, timebant: ideo supplicationibus Praepositi Generalis, & Societatis praedictorum, inclinatus, privilegia, & exemptionem, & cum omnibus, & singulis in eis contentis clausulis, literas Pauli Praedecessoris praedictas, & illarum vigore Domo, & Collegia ejusdem Societatis ubilibet constituta, & inde sequuta quaecumque, juxta tenorem litterarum earundem, Apostolica auctoritate ex certa scientia confirmaverit, & approbaverit, ac etiam plenarie innovaverit, & de novo, quatenus opus esset, concesserit, nec non illis perpetuae, & inviolabilis firmitatis robur adjecerit, omnesque, & singulos juris, & facti defectus, si qui forsitan intervenissent in eisdem suppleverit.

Et de novo Societatem, & ejusque bona omnia exempta esse voluit.

§.3. Et nihilominus pro potiori cautela, universam Societatem, omniaque, & singula illius Domo Probationis, & Collegia ubilibet existentia, praesentia, & futura, eorumque personas, fructus, redditus, proventus, & bonorum Ecclesiasticorum Secularium, & Regularium quorumcumque illis

pro tempore unitorum, aliaque res, & bona quaecumque a quibusvis decimis etiam Papalibus, praedialibus, personalibus, quartis, medietatibus, & aliis ordinariis oneribus, etiam pro expeditione contra Infideles, defensione Patriae, & aliis quibuscumque; etiam ad Imperatorum, Regum, Ducum, & aliorum Principum instantiam pro tempore impositis, etiam si quod in illorum impositione caveretur, quod nulla prorsus exemptio cuique adversus illa suffragetur: Ita quod Societas, ejusque Domo, Collegia, fructus, res, & bona praedicta semper ab illis absque declaratione desuper facienda exempta essent, & esse conferentur, perpetuo liberaverit, & exemerit, ac alia fecerit, prout in ejusdem Pii Praedecessoris in forma Brevis literis sub Datum die 19. Augusti 1561. Pontificatus sui Anno Secundo.

§.4. Et cum demum pia mem. Gregorio Papa XIII. etiam Praedecessori nostro pro parte tunc existentis Praepositi Generalis ejusdem Societatis Jesu pariter exposito, quod licet praedictus Paulus III. Praedecessor volens dictam Societatem per eum Apostolica auctoritate institutam, & approbatam, illiusque Socios favore prosequi gratia specialis, inter alia eidem Societati, & Sociis supramemoratam exemptionem a Decimis concessisset, & indulgisset, & successively Pius IV. literas ipsius Pauli III., ut supra dictum est, confirmasset, & approbasset, & alia concessisset, prout in singulis supra dictis Pauli, & Pii Praedecessorum literis plenius continebatur: Nihilominus quia in illis nulla de Constitutione re. me. Innocentii Papae III. similiter Praedecessoris nostri in Concilio Generali super decimis edita, quae incipit *Nuper*, expressa, & specifica mentio facta, nec ei specialiter, & expresse derogatum fuerat, idem Praepositus dubitabat, singulas literas praedictas de subreptionis, seu nullitatis vitio notari, & Societati, illiusque Domibus, Collegiis, & personis praedictis minus utiles reddi, aut illa super exemptione hujusmodi molestari, vel perturbari posse tempore procedente. Idem Gregorius Praedecessor quarumcumque litem, & causarum super praemissis jam forsitan motarum statum, & merita, ac nomina, & cognomina Judicum, & Collitigantium, ac titulos, & jura eorum pro expressis habens, & ipsius Praepositi Generalis supplicationibus ea in parte inclinatus, voluerit, ac Societati, illiusque Domibus etiam probationum, Collegiis, & personis praedictis auctoritate Apostolica concesserit, quod singula litera praedicta cum exemptionibus, caeterisque omnibus, & singulis in eis contentis clausulis, & decretis, processusque habiti per eosdem, & inde sequuta quaecumque valerent, plenamque roboris firmitatem obtinerent, ac eis, quibus concessa existebant, perpetuo suffragarentur in omnibus, & per omnia, perinde ac si in illis de Constitutione Innocentii Praedecessoris, & seu Concilii Generalis hujusmodi specifica, & expressa mentio facta, eique specialiter, & expresse derogatum fuisset, prout idem Gre-

Hac de causa Greg. XIII. Constitutioni Innocent. III. plenissime derogavit.

Gregorius Praedecessor dictae Constitutioni ad effectum praemissum specialiter, & expresse derogavit, decernens ita in quibuscumque causis pendentibus, & futuris per quoscumque Judices, & Commissarios quavis auctoritate fungentes judicari, & definituri debere, irritum quoque, & inane quicquid secus super his a quoquam quavis auctoritate scienter, vel ignoranter contigisset attentari, & alias prout in ejusdem quoque Gregorii Praedecessoris in forma Brevis sub Datum die prima Januarii 1578., Pontificatus sui Anno Sexto expeditis literis plenius continetur.

Orta tamen litem a se avocans, & Partibus silentium imponens.

§.5. Cumque, sicut accepimus, ex eo, quod occasione praedictorum Privilegiorum Religiosi dictae Societatis se, eorumque Domo etiam Probationum, Collegia, & Loca, ac Praedia, res, & bona quaecumque a solutione etiam Decimarum, quae Parochialibus, & aliis Ecclesiis de jure, vel consuetudine, seu quovis alio titulo, vel causa debentur, exemptos esse: Contra vero Metropolitanarum, & Cathedralium, ac aliarum Ecclesiarum Archiepiscopi, Episcopi, & alii Praesules Venerabiles Fratres, & Capitula, & Parochialium Ecclesiarum Rectores Regnorum Castellae, & Legionis dilecti filii, ipsos Religiosos Societatis Jesu tali exemptione in maximum illorum praedictorum abuti praetendunt, inter illos dum super hoc diversa lites, seu controversiae orta, & in causa, seu causis hujusmodi, ad aliquos actus eventum fuerit, & licet demum de ineunda inter ipsas Partes aliqua concordia tractatum, & in Congregatione Generali Capitulorum totius Cleri dictorum Regnorum in Civitate Vallisletana de anno 1602, habita diversae propositiones hinc inde inter ipsas partes ad effectum hujusmodi concordiam ineundi factae fuissent, nihilominus aliquid conclusum non extiterit, sed utraque Pars negotium istud ad Romanum Pontificem remiserit.

Leo hujusmodi litem a se avocans, & Partibus silentium imponens.

§.6. Nos, qui inter Ecclesiasticas personas pacem, & quietem perpetuo vigere, & conservari sincero desideramus affectu, remissionem hujusmodi acceptantes, negotium hujusmodi iussu fa. re. Clementis Papae VIII. Praedecessoris nostri mature discussum, & examinatum, pro aequitate terminare, ac omnem ulterioris controversiae, & discordiae inter dictas partes occasionem praecidere statuimus: Idcirco singularum Pauli, Pii, & Gregorii Praedecessorum, & aliarum quarumcumque in favorem praedictae Societatis super hujusmodi exemptione expeditarum litterarum veriores, & totos tenores, & datas, praesentibus pro plene, & sufficienter expressis, & ad verbum insertis habentes, nec non quascumque lites, & causas praemissorum occasione haecenus inter Venerabiles Fratres Archiepiscopos, Episcopos, & alios Praesules Fratres nostros, & quavis Metropolitanas, Cathedrales, Collegiatas, Parochiales, & alias Ecclesias, earumque Capitula, Collegia, Rectores, & alias Ecclesiasticas personas dictorum

Regnorum ex una, & dictam Societatem, & quavis illius Domo, etiam Professorum, necnon Collegia, Domo probationis, & alia loca quaecumque ex altera parte coram quibuscumque Judicibus, etiam nostri Sacri Palatii Apostolici Rotae Auditoribus, ac etiam S. R. E. Cardinalibus, & in quacumque instantia tam conjunctim, quam divisim pendentes, quarum status, & merita, ac nomina, & cognomina Judicum, & Collitigantium, praesentibus similiter pro expressis haberi volumus, in eisdem statu, & terminis, in quibus reperiuntur, ad Nos harum serie revocantes, illasque penitus extinguentes, & quascumque sententias, litteras executorias ad favorem Societatis, seu illius Domo, seu Collegiorum, aut alicujus illorum quomodolibet latas, & relaxatas, & etiam forsitan exequutas, & alias quascumque provisiones quomodolibet, & quodocumque ad eandem favorem expeditas revocantes, & ad praesentium praescriptum reducentes, ac perpetuum partibus ipsis super praemissis omnibus, & singulis silentium imponentes, salvo tamen quibuscumque concordatis, seu transactionibus inter Partes initis, quas in suo robore remanere volumus.

Declarat ibidem solvenda esse vigesima pro bonis quae a se eadem Societate possidet.

§.7. Motu proprio, & ex certa scientia, ac matura deliberatione nostris, deque Apostolica potestate plenitudine, harum serie perpetuo statuimus, decernimus, & ordinamus, ut ex nunc deinceps perpetuis futuris temporibus praedicta Societas, & illius Domo etiam Probationum, atque Collegia, & Loca quaecumque ubivis Locorum in praedictis Regnis Castellae, & Legionis existentia, ratione Praediorum, Possessionum, Vinearum, Olivetorum, Terrarum, Hortorum, & Bonorum quorumcumque, quae nunc possident quomodocumque, & undecumque ad eos perventa, aut per eos acquisita fuerint, & etiam eorum, quae imposterum perpetuis futuris temporibus ex novis Domo, seu Collegiorum foundationibus, aut aliis largitionibus, donationibus, Legatis, Testamentis, Codicillis, seu ultimis voluntatibus dumtaxat acquirant, & non solum eorum, quae locare, & arrendare solent, sed etiam eorum, quae per proprios Colonos, ac propriis quoque manibus excolunt, loco Decima, vigesimam scilicet ex singulis viginti unum earum fructuum cujuscumque generis, & speciei, quos in illis colligunt, necnon Pecorum, & aliorum animalium, quae in illis enutrient, Piscationum, Avium, aliarumque rerum, & specierum, de quibus de jure, vel consuetudine decimari solet Ecclesiis, quibus alioquin circumscriptis dictis privilegiis decima perfolvi deberet, perfolvere teneantur, & obligati existant.

Decimam vero pro bonis, quae imposterum ementur per ipsam, vel locabuntur.

§.8. Et quia evenire poterit, ut Religiosi dictae Societatis alia Praedia, Possessiones, Terras, & Bona emptionis titulo imposterum acquirant, aut Praedia, Terras, & Bona extraneorum excolant, vel per eorum Colonos excoli faciant: Nos, ne super bonis imposterum acquirendis, aut ex-

Nonnulla ta-  
men Virida-  
ria, Hortosq;  
ab huiusmodi  
solutione ex-  
mit.

Ad statuta  
solutiones Soc.  
compelli pos-  
se declar.

Clausulae ap-  
ponit.

colendis huiusmodi, & aliis supra deductis, nova controversia deinceps oriatur, declaramus, & pariter statuimus, ac ordinamus, quod, ratione eorum Prædiorum, Possessionum, Terrarum, & Bonorum, quæ emptionis titulo acquirunt, aut quæ titulo locationis ab aliis condixerint, ipsi eolent, aut coli faciant, non vigesimam, sed integram Decimam iis Ecclesiis, quibus, & prout antequam ipsi Religiosi illa tenerent, debebatur, pariter solvere teneantur, & obligati existant.

§.9. Ab huiusmodi autem vigesima, seu Decima solutione, Hortos, seu Viridaria, quæ apud eorum Domos, seu Collegia intra Civitates, & Oppida habuerint, nec non etiam unum tantum Prædium in agro pro unaquaque Domo, seu Collegio, quod tamen muris circumdatum sit, & quatuor Fanegarum illarum partium mensuram non excedat, exempta esse volumus, & ordinamus.

§.10. Decernentes ipsos Societatis Jesu Religiosos ad mediam Decimam, seu vigesimam, & integram Decimam huiusmodi respective solutionem faciendam de cætero tamen teneri, & ad id censuris, & penis Ecclesiasticis, aliisque opportunis juris, & facti remediis æque, ac non exemptos cogi, & compelli posse, neque ab huiusmodi media Decima seu vigesima, vel integra Decima solutione, prædiorum Pauli, Pii, & Gregorii, aut aliorum Pontificum Prædecessorum literarum, aut alio quovis prætextu, causa, vel occasione resillire, vel deficere ullatenus posse; ipsos vero Archiepiscopos, Episcopos, ac Præsules, & Capitula, & Rectores Ecclesiarum prædiorum, & alias personas Ecclesiasticas, quibus huiusmodi media, & integra Decima respective debebuntur, earum solutione, prout a Nobis, ut præfertur, statutum est, contentos esse debere.

§.11. Præsentes quoque literas ex eo, quod partes ipsæ præmissis non consenserint, aut alio quovis prætextu, de subreptionis, vel obreptionis, aut nullitatis vitio, seu intentionis nostræ, vel alio quocumque defectu notari, impugnari, redargui, aut infringi, suspendi, limitari, retractari, revocari, aut in jus, vel controversiam vocari, seu ad terminos juris reduci, aut adversus illas quodcumque gratiæ, vel iustitiæ remedium impetrari nullatenus posse, sed semper, ac perpetuo validas, & efficaces existere, ac fore, ac illis omnibus, & singulis, quos concernunt, plenissime suffragari, ac ab illis respective observari debere: Sicque, & non aliter per quoscumque Iudices Ordinarios, & Delegatos etiam Causarum Palatii Apostolici Auditores, ac S. R. E. Cardinales etiam de latere Legatos, ac Sedis Apostolicæ Nuncios, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere, ac irritum, & inane, quidquid secus super his a quoquam quavis auctoritate, scienter, vel ignoranter contigerit attentari.

§.12. Quocirca Venerabili Fratri Archiepiscopo Toletano, ac dilectis filiis Causarum Curia Camera Apostolicæ Generali Auditori, ac Nostro, & Apostolicæ Sedis in Regnis Hispaniarum Nuncio per præsentem committimus, & mandamus, quatenus ipsi, vel duo, aut unus eorum per se, vel alium, seu alios, præsentem literas, & in eis contenta quæcumque, ubi, & quando opus fuerit, ac quoties pro parte tam Societatis, quam Capitulorum, & aliorum prædictorum, seu alicujus eorum fuerint requisiti, solemniter publicantes, illisque in præmissis efficacis defensionis præsidio assistentes, faciant auctoritate nostra illos, & eorum singulos eorundem præmissorum effectu pacifice frui, & gaudere, non permittentes illos, aut aliquos eorum desuper a quoquam quavis auctoritate, quomodolibet indebitè molestari: Contradictores quoscumque, ac præmissis non parentes, eisque auxilium, consilium, vel favorem publice, vel occulte, directe, seu indirecte quomodolibet præstantes, per censuras, & penas Ecclesiasticas, aliaque opportuna juris, & facti remedia, appellatione postposita compescendo, invocato etiam ad hoc, si opus fuerit, auxilio brachii secularis.

§.13. Non obstantibus prædictis Pauli, Pii, Gregorii, & aliorum Pontificum Prædecessorum literis, ac similis mem. Bonifacii Papæ VIII. etiam Prædecessoris nostri de una, & in Concilio Generali edita de duabus dietis, dummodo ultra tres dietas aliquis auctoritate præsentium ad iudicium non trahatur, aliisque Apostolicis, ac in universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, ac Regulis Cancellariæ nostræ, & præsertim de iure quæsito non tollendo, necnon tam ipsius Societatis, quam quarumcumque Ecclesiarum Metropolitanarum, Cathedralium, Collegiarum, Parochialium, & aliarum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis, eorumque Superioribus, & personis in genere, vel in specie, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis etiam in forma Brevis tam per Nos, quam quovis Prædecessores nostros, ac etiam dictæ Sedis Legatos, etiam ad quorumvis Imperatorum, Regum, Ducum instantiam, aut etiam motu proprio, & ex certa scientia, ac de Apostolica potestatis plenitudine, aut etiam consistorialiter, etiam per viam generalis legis, & statuti perpetui quomodolibet concessis, ac etiam iteratis vicibus approbatis, & innovatis, etiam Mari Magno, Bulla aurea, aut alias nuncupatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, non autem per

Executores designat.

Obstantibus derogat.

clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda esset, tenores huiusmodi, ac si de verbo ad verbum infererentur, præsentibus pro sufficienter expressis habentes, illis alias in suo robore permanens, hac vice dumtaxat specialiter, & expresse derogamus, contrariis quibuscumque.

Seu si aliquibus communit, vel divisi ab eadem sit Sede indultum, quod interdici, suspendi, vel excommunicari non possint, per literas Apostolicas, non facientes plenam, & expressam, ac de verbo ad verbum de indulto huiusmodi mentionem.

Transumptis fidem vult adhiberi.

Dat. die 23. Aprilis 1605. Ana.

§.14. Volumus autem, ut præsentium transumptis etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides adhibeatur, quæ ipsis præsentibus adhiberetur, si forent exhibitæ, vel ostensæ.

Datum Romæ apud Sanctum Marcum sub Annulo Piscatoris die 23. Aprilis 1605 Pont. nostri Anno I.

PAULUS QUINTUS

P A P A C C X X X V.

A N. C H. M D C V.



Uodevicesimo post Leonis XI. mortem die electus est in summum Pontificem Camillus Sanctæ Romanæ Ecclesiæ Tituli Sancti Chrysogoni Presbyter Cardinalis Burghesius, Bull. Rom. Tom. V. Par. III.

qui Paulus V. voluit appellari. Sacra redimitus Thiara die 28. Maii sedit Ann. XV. Menses VIII. dies XIII. temporibus Rodulphi II. Imperatoris. Vita functus die 28. Januarii an. 1621. sepultus est ad Sanctum Petrum. Corpus postea translatum fuit ad Basilicam Liberianam, conditumque in Sacello, quod vivens crexerat. Vacavit Sedes dies XI.

I.

Literæ in forma Provisionis Nostræ, quibus confirmantur alia similes Clem. VIII. super facultate Metropolitanæ Ruthenorum concessa instituendi, & consecrandi Episcopos sua Nationis.

Ex Regest. in Secret. Brev.

Facultas Metropolitanæ Ruthenorum concessa legitur in Volumine præcedenti pag. 94. & Brevis initium est: Decet.

PAULUS EPISCOPUS

SERVUS SERVORUM DEI

Ad futuram rei memoriam.

Provisionis nostræ debet provenire subsidio, ut jus suum cuilibet conservetur.

Exordium.

§.1. Hinc est, quod Nos tenorem quarundam literarum fel. rec. Clem. Papæ Octavi Prædecessoris nostri in registro ipsius Prædecessoris repertum, pro eo, quod sicut exhibita nobis nuper pro parte Venerabilis Fratris nostri Josephi moderni Archiepiscopi Metropolitanæ Kiovien., & Haliceni., ac totius Rulhiæ petitio continebat, ipse harum tenore, & ex certis causis, sicut asserit, indiget de registro ipso de verbo ad verbum transcribi, & ad ipsius Josephi Archiepiscopi Nobis propterea supplicantis instantiam, præsentibus annotari fecimus qui est talis: Clemens Episcopus, Servus Servorum Dei, ad perpetuam rei memoriam. Decet &c. Cetera omittuntur; legere enim est loco cit. in Rubrica.

Joseph Metro-  
polita transcri-  
bi, confirma-  
rique Clemens  
literas præ-  
cit.

§.2. Ceterum, ut earundem literarum tenor prædictus sic insertus omnimodam rei, ac facti certitudinem faciat, auctoritate Apostolica, decernimus, ut illud idem robur, eandemque vim, & eundem vigorem dictus tenor in omnibus, & per omnia habeat, quæ haberent literæ originales supradictæ, & eadem prorsus ipsi tenori fides adhibeatur quodcumque, & ubicumque, sive in iudicio, sive alibi, ubi fuerit exhibitus, & ostensus, & eidem tenori stetur firmiter in omnibus, & per omnia, sicut eisdem literis originalibus staretur, si forent exhibitæ, vel ostensæ. Per hoc autem nullum jus de novo cuiquam acquiri volumus, sed antiquum tantummodo conservari.

Literis sic  
exemplatis  
credi jubet  
Paulus.

§.3. Nulli ergo omnino hominum liceat

Clausula: ceat